

十斤入爲左曹衛將軍護軍都尉卒官王莽篡位改漢

制貶鉤町王以爲侯王邯怨恨

師古曰邯其王名也邯音酣

牂柯大

尹周欽詐殺邯邯弟承攻殺欽州郡擊之不能服三邊

蠻夷愁擾盡反復殺益州大尹程隆莽遣平蠻將軍馮

茂發巴蜀犍爲吏士賦歛取足於民以擊益州出入三

年疾疫死者什七巴蜀騷動莽徵茂還誅之更遣寧始

將軍廉丹與庸部牧史熊

師古曰莽改益州爲庸部

大發天水隴西

騎士廣漢巴蜀犍爲吏民十萬人轉輸者合二十萬人

擊之始至頗斬首數千其後軍糧前後不相及士卒饑

疫三歲餘死者數萬而粵雋蠻夷任貴亦殺太守枚根